

ԱՐԺԵՔԱՎՈՐ ԱՇԽԱՏՈՒԹՅՈՒՆ

Հայ ժողովրդի պատմության վերաբերյալ գրվել են բազմաթիվ ուսումնասիրություններ, ստեղծվել են սովոր հատորներ: Դրանց հիման վրա Մ. Զամյանը, Ն. Աղոնցը, Լեոն, Հ. Մանանդյանը և շատ ուրիշ պատմաբաններ շարադրել են հին դարերի և միջնադարի պատմության ընթացքը, իրենց գործերը հասցնելով XVIII դարի վերջին տասնամյակները կամ մինչև նոր պատմության սկիզբը: Պատմական հիշյալ դարաշրջաններին են նվիրված նաև Երևանի պետական համալսարանի հայ ժողովրդի պատմության ամբիոնի դասախոսների ջանքերով իբրև ձեռնարկ ստեղծված և վերջերս հրատարակված «Հայ ժողովրդի պատմության» առաջին և երկրորդ հատորները:

Ինչ վերաբերում է հայ ժողովրդի XIX դարի և XX դարի երկու տասնամյակի ամբողջական պատմությանը, ապա, եթե հաշվի չառնենք ՀՍՍՀ գիտությունների ակադեմիայի պատմության ինստիտուտի գիտնականների հրատարակած «Հայ ժողովրդի պատմության» ձեռնարկի երկրորդ մասը (միջնակարգ դպրոցների համար), հրապարակի վրա մինչև վերջերս չկար ծավալուն, ընդհանրացնող ուսումնասիրություն, որը բուհերի պատմության ֆակուլտետների ուսանողների համար դասագիրք ծառայեր: Սակայն հարկ է նշել, որ վերջին երկու տասնամյակում մեր պատմաբանների ուշադրության կենտրոնում են եղել հայ ժողովրդի նոր պատմության այնպիսի կարևոր պրոբլեմներ, ինչպիսիք են հայ-ուսական հարաբերությունները, Արևելյան Հայաստանի միացումը Ռուսաստանին, հայ հասարակական հոսանքները, ցարիզմի զաղութային քաղաքականությունը Հայաստանում, գյուղացիական ռեֆորմը Հայաստանում, ագրարային հարաբերությունները և հողային հարցը Արևելյան Հայաստանում, հեղափոխական շարժումները Արևելյան Հայաստանում, արևմտահայերի ազգային-ազատագրական պայքարը սուլթանական բռնապետության դեմ, արևմտահայերի հասարակական հոսանքները, սոցիալ-տնտեսական ո. քաղաքական կացությունը, հայկական հարցը և միջազգային դիվանագիտությունը: Թվարկված պրոբլեմների մասին լույս են տեսել մենագրություններ, բազմաթիվ հոդվածներ, փաստաթղթերի ժողովածուներ, որոնք արժեքավոր լինելով հանդերձ, չեն կարող ամբողջական պատկերացում տալ հայ ժողովրդի երկու հատվածների XIX դարի և XX դարի երկու տասնամյակի պատմության մասին:

Այդ տեսակետից «Լույս» հրատարակչության վերջերս հրատարակած՝ պրոֆ. Վ. Ա. Պարսամյանի սովորածավալ «Հայ ժողովրդի պատմության» երրորդ հատորը (1801—1917 թթ.), (որը դասագիրք է բուհերի ուսանողների համար) արժեքավոր մենագրություն է և լուրջ ներդրում հայագիտության մեջ: Պրոֆ. Պարսամյանի այս աշխատությունը մեր ժողովրդի նոր ժամանակահատվածի խորը գիտական, սխտեմատիկ պատմություն է:

Այսպիսի մենագրության ստեղծումը հնարավոր էր միայն սովետահայ պատմագրությանն ընդհանրված այսօրվա լայն հնարավորությունների պայմաններում՝ պատմական ատաղձի ըստեղծումից հետո, երբ պատմաբանը կարող է անցյալում արտահայտված անհատի պաշտամունքի դրոշմը կրող տեսակետները համարձակորեն վերանայել, անհարկի աղավաղված պատմական դեմքերին ու դեպքերին տալ ճիշտ գնահատականներ, մերժել վրլզար սոցիոլոգների կողմից հայագիտության վրին փաթաթված միասնական հոսանքի դոգմաները, կիրառել պատմականության սկզբունքը:

Պրոֆ. Պարսամյանն իր աշխատանքը շարադրելիս ուղեցույց է ունեցել մարքսիզմի կլասիկների աշխատությունները, հատկապես Կ. Մարքսի, Ֆ. էնգելսի ու Վ. Ի. Լենինի դրույթները, որոնք օգնել են նրան տակավին չուսումնասիրված կամ վիճելի մի շարք պրոբլեմներ լուծելու, տալով նրանց ոչ թե փաստագրական, այլ անալիտիկ շարադրանքը:

Վ. Ա. Պարսամյանը օգտագործել է նախասովետական ու սովետական պատմագրության ձեռք բերած նվաճումները, դրվատել, գնահատել կամ քննադատել պատմագրության մեջ տեղ գտած գանադան տեսակետները, շարունակել է գիտական պրպտումները և հանգել նոր եզրակացությունների: Այդ բոլորը վկայում են այն մասին, որ գրախոսվող գիրքը ոչ թե սովորական դասագիրք է, այլ լուրջ մենագրություն:

Մենագրության ամենակարևոր արժանիքներից մեկը հեղինակի օգտագործած աղբյուրներն են, Սովետական Միության տարբեր արխիվներից հավաքած նյութերը, որոնց մի զգալի մասը առաջին անգամ է գիտական շրջանառության մեջ դրվել: Այս ևս իրավունք է տալիս ասելու, որ օգտագործելով համալսարանական կուրս ստեղծելու իրեն տրված իրավունքն ու հնարավորությունները, պրոֆ. Պարսամյանը փաստորեն գիտահետազոտական աշխատանք է կատարել և տվել նոր ժամանակաշրջանի հայ ժողովրդի փաստառատ ու քննական պատմության ընթացքը:

Մեր կարծիքով ճիշտ է աշխատության պերիոդիզացիան: Մենագրության հեղինակը 1800—1917 թվականներն ընդգրկող ժամանակաշրջանը բաժանում է երեք բաժնի. այն է՝ ա) Հայաստանը XIX դարի առաջին կեսին, բ) ֆեոդալական հարաբերությունների քայքայումը և կապիտալիզմի զարգացումը Հայաստանում (XIX դարի երկրորդ կես), գ) Հայաստանը իմպերիալիզմի և բուրժուա-դեմոկրատական հեղափոխությունների ժամանակաշրջանում:

Մենագրության առաջին բաժնում պրոֆ. Պարսամյանը բնութագրում է Հայաստանի արևելելյան և արևմտյան հատվածների դժնդակ սոցիալ-քաղաքական կացությունը, ցույց տալիս հայերի իրավա-քաղաքական անտանելի դրությունը, հանգամանալից շարադրում է ռուս-պարսկական և ռուս-թուրքական պատերազմների պատմությունը, ցույց տալիս Արևելյան Հայաստանը Ռուսաստանին միացնելու բախտորոշ ակտի նշանակությունը և այլն:

Մենագրության այս բաժնում լայնորեն լուսաբանված են գյուղացիական շարժումները Արևելյան Հայաստանում, նոր փաստերով ու հետաքրքիր ձևերով ներկայացված է Արևմտյան Հայաստանի, Կոստանդնուպոլսի հայ զաղութի պատմությունը XIX դարի առաջին կեսին: Ամբողջովին նորություն է Թուրքիայի մայրաքաղաքում ծավալված արհեստավորական ցույցերի պատմությունը XIX դարի 20—40-ական թվականներին: Բաժինը եզրափակվում է հայկական մշակույթին նվիրված ընդարձակ ու հետաքրքիր զխով, որն ընդգրկում է հայկական մշակույթի ամենատարբեր բնագավառները: Արժեքավոր են պատմագիտությանը նվիրված էջերը:

Երկրորդ բաժինը բացվում է Հայաստանի սոցիալ-տնտեսական դրությունը բացահայտող բովանդակալից զխով, որտեղ պատմաբանը իր համար բազա է ստեղծել հայ ազգային-ազատագրական շարժումների, առավել ևս հասարակական-քաղաքական հոսանքների դիմապատկերը պարզելու, ինչպես շարժումների, այնպես էլ հոսանքների առաջադիմական, համազգային բնույթը գնահատելու, յուրաքանչյուր հոսանքին պատկանող գործչի աշխարհայացքը ցույց տալու համար:

Պրոֆ. Վ. Ա. Պարսամյանը վերագնահատել է արևմտահայերի ազգային սահմանադրությունը, իրավացիորեն մերժել թե՛ նրանց տեսակետը, ովքեր գերագնահատել են այդ ակտը և թե՛ նրանց, ովքեր թերագնահատել են այդ սահմանադրությունը: Ազգային սահմանադրությունը իրավալիցիորեն դիտվում է որպես ֆեոդալական, բարրարոսական Թուրքիայի պայմաններում ժողովրդի երկարատև պայքարի զեով նվաճված մի փաստաթուղթ, որը առաջադիմական նշանակություն է ունեցել Արևմտյան Հայաստանի և Թուրքիայի հայկական զաղթօջախների ներքին կյանքը տնօրինելու հարցում:

1870-ական թվականները Անդրկովկասում և Արևելյան Հայաստանում նշանավորվում են կապիտալիստական հարաբերությունների զարգացումով, եզրափակվում ռուս-թուրքական պատերազմով, հայկական հարցի շուրջը մղվող երկարատև զոտեմարտերով, սուլթանական բռնապետության դեմ բարձրացող հայ ժողովրդի ազգային-ազատագրական շարժման նոր վերելքով: Բոլոր այս խնդիրները հանգամանորեն քննարկվում են գրախոսվող մենագրության առանձին գլուխներում:

1880-ական թվականներին ազատագրական շարժման աննախընթաց վերելքի պայմաններում Արևմտյան Հայաստանում հիմնվում են զաղտնի հեղափոխական կազմակերպություններ, զարգանում է ազգային-ազատագրական շարժման զաղափարախոսությունը, բազա է ստեղծվում ազգային-քաղաքական կուսակցությունների հիմնադրման համար: Հեղինակը այս առիթով կանգ է առնում արմենականների, հնչակյանների և դաշնակցության հիմնադրման շարժառիթների վրա, ցույց տալիս նրանց դասակարգային ակունքները, այդ կուսակցություններին պատկանող ռազմաթիվ գործիչների խաղաքած դերը հայ ազատագրական շարժման մեջ: Փաստերի

մեկնարանումից և եղբայրներուս հետ և, որ չեղանակը մերժելով ժամանակին տիրող դոգմատիզմը, հաւաքագային-քաղաքական կուսակցութիւններին գնահատելիս ցուցաբերում է պատմական կոնկրետ մոտեցում, ելնում է ոչ թէ նրանց տրված բացասական գնահատականից, կամ դրվատանքից, այլ նրանց ծավալած գործունեութիւնից, այդ գործունեութեան առաջադիմական կամ հետադիմական հետեանքներից:

Խոսելով դաշնակցական կուսակցութեան մասին, նա նշում է, որ վերջինիս հիմնադրումից, այսինքն XIX դարի 90-ական թվականներից մինչև 1903 թվականը այն իր ամբողջ գործունեութիւնը կենտրոնացրել էր Արևմտյան Հայաստանում: Այդ տարիներին դաշնակցութիւնը հանդես էր գալիս որպէս «ազգային» կուսակցութիւն, մերժելով դասակարգային պայքարի գաղափարը՝ իր գոյութեան նպատակը համարելով «Հայոց հարցի» լուծումը:

Սակայն, 1905—1907 թվականների ողջական հեղափոխութեան տարիներին, երբ հայ ժողովրդի առաջադիմական շրջանները ակտիվ մասնակցութիւն ունեցան հեղափոխութեանը, դաշնակցութիւնը որպէսզի չկորցնի իր հենակետը, իրեն հայտարարեց սոցիալիստական կուսակցութիւն: «Նա աշխատում էր համատեղել հասարակութեանը,— գրել է Ստ. Շահումյանը,— ինքը երբեք ազգային պարտիա չի եղել, թե ընդհակառակը, միշտ էլ եղել է դասակարգային և սոցիալիստական պարտիա: Սոցիալիզմի դիմակ հագնելով՝ նա (դաշնակցութիւնը — Ն. Ս.) — շարունակում է Ստ. Շահումյանը,— ամենավճռական պայքարն է մղում սոցիալիզմի դեմ, բանվորական շարժման դեմ Կովկասում: «Նա մինչև այժմ անվանվում էր «հեղափոխական» պարտիա, որպէսզի 15 տարի շարունակ մարտնչի ուղիղութեան դեմ» (Ստ. Շահումյան, Երկեր, հատ. 1, էջ 290):

Որոշակիորեն տարբերելով հայ ազգային-քաղաքական կուսակցութիւնները իրարից՝ հրահանելով ուսման վրա և վերջիններս դաշնակցականներից, ցույց տալով այդ կուսակցութիւնների՝ տարբեր դասակարգների պատկանելիութիւնը, պրոֆ. Պարսամյանը միաժամանակ նշում է այն դրական և առաջադիմական դերը, որ խաղում են հնչակյան և ուսման կուսակցութիւնները ժամանակակից Սփյուռքում, նրանք ակտիվ մասնակցում են ազգային-ազատագրական գաղափարների պրոպագանդմանը, հատկապէս Մերձավոր արևելքի երկրներում, կանգնած են Սովետական Հայաստանի, խաղաղութեան լազարի պաշտպանութեան դիրքերում: Ռամկավարները, հնչակյանները մյուս առաջադիմական ուժերի հետ միացած պայքարում են աշխարհով մեկ ցրված հայ աշխատավորութեան արդար դատի համար (էջ 327):

Քննարկելով հնչակյանների ու ուսման կուսակցականների գաղափարական ու ծրագրային գրույթները, չեղանակը մատնանշում է, որ այդ կուսակցութիւնների տատանողականութիւնն ու անհետևիկականութիւնը պայմանավորված են նրանց դասակարգային էութեամբ, որ բնորոշ են մանր-բուրժուական կուսակցութիւններին:

Բաժինը եզրափակվում է Արևելյան Հայաստանում և ընդհանրապէս արևելահայութեան մեջ զարգացող բուրժուական հարաբերութիւնների վերելքով, բանվոր դասակարգի ձևավորմամբ և, որ ամենից կարևորն է, մարքսիզմի տարածման պատմութեանը նվիրված, նոր նյութ պարունակող գլուխներով: Այս բաժնի վերջին գլուխը նվիրված է XIX դարի երկրորդ կեսի մշակույթին (գրականութեանը, արվեստին, պատմագրութեանը, պարբերական մամուլին և այլն):

Պատմաբանը սեղմ էջերով անդրադարձել է «Բանվորական սոցիալիզմ», 1898 թ. կազմված «Թիֆլիսի բանվորական միութեան» և մարքսիստական այլ խմբակների, նրանց ուղղութիւնը տվող հայ սոցիալ-դեմոկրատ հեղափոխականների գործունեութեանը: Ի տարբերութիւն նախորդների, պատմական այս կարևոր դեպքերը շարադրելիս պրոֆ. Պարսամյանը տեղ է տվել այն դեմքերին, որոնք հանդիմանում էին սոցիալիզմին և նրանց անհատի պաշտամունքի տարիներին: Բազմաթիվ գործիչների անունները նվիրական սրբութեամբ դրոշմվում են նրա գրքի էջերում, ոչ իբրև անհատականութիւններ, այլ ընդհանուր շղթայի մեջ կապակցված:

Մենագրութիւն-ձեռնարկի վերջին բաժինը բովանդակում է Հայաստանի ավելի բարդ ու հակասական, ավելի հերոսական ու ողբերգական մի ժամանակաշրջան՝ այսինքն իմպերիալիզմի դարաշրջանը: Նրա գրքի էջերում խոսվում է հայ պրոլետարիատի կրած սոցիալ-քաղաքական ճնշումների, ցարիզմի վարած գաղութային քաղաքականութեան ուժեղացման մասին, ցույց տալիս ողջական հեղափոխութեանը այդ նույն բանվորների ղեկավարման պատմութիւնը, հայերի ունեցած մասնակցութիւնը վերելք ապրող բանվորական շարժումներին ոչ միայն Հայաստանի արևելյան հատվածում, այլև նախկին Ռաբվում, գործարանային Թիֆլիսում, Մոսկվայում, Պետերբուրգում և Ռուսաստանի այն վայրերում, որտեղ հայ դանդաղ կար, որտեղ հեղափոխութեան կայծերն էին տարածվել:

Արևելյան Հայաստանում ստորիպինյան ռեակցիայի ծանր տարիների պատմությունը շարագրելուց հետո Վ. Ա. Պարսամյանն անցնում է 1912—1914 թթ. հայկական հարցի շուրջը մղվող պայքարին, բացահայտում այդ բարդ երևույթի ներքին էությունը, քողապերծում մեծ պետությունների բռնած երկդիմի դիրքը այդ խնդրի հանդեպ:

Աշխատության ամենաարժեքավոր գլուխներինց սեկը նվիրված է առաջին համաշխարհային պատերազմի, արևմտահայության տեղահանության ու ոչնչացման, հայկական կամավորական խմբերի ստեղծման, հայերի հերոսական ինքնապաշտպանությունների կազմակերպման պատմությանը: Հեղինակը ճիշտ է դրվատում զորավար Անդրանիկի, Ադրյուր Սերոբի, Գևորգ Չաուշի, Քեռու, Վարդանի և շատ ուրիշների գործունեությունը թուրքական դեսպոտիզմի դեմ՝ նրանց մղած արդարացի ու հերոսական պայքարում:

Գրքի վերջին գլուխներում լուսարանվում են Փետրվարյան հեղափոխության արձագանքները Հայաստանում, ինչպես նաև XIX դարի սկզբի հայկական մշակույթը:

Գրքին կցված է գրականության, կարևոր տարեթվերի, անձնանունների ու տեղանունների ցանկ, ինչպես նաև հետաքրքիր քարտեզներ:

Ձեռնարկի ամենակարևոր արժանիքներից մեկը պետք է համարել այն, որ նրա հեղինակը ակտիվ վերաբերմունք ունի եղած սխալ կոնցեպցիաների նկատմամբ, ջանում է ճշտել ոչ միայն թույլ տրված ակնառու խոշոր սխալները, այլև ամհնամանը դեպքերի, թվերի աղավաղումները: Այս իսկ տեսանկյունից նայելով է, որ մենք զնահատում ենք սույն գիրքը ոչ միայն որպես ուսումնական ձեռնարկ, այլև քննական պատմություն:

Աշխատությունը գերծ չէ նաև թերություններից:

Օրինակ, մի շարք պարբերականներ ներկայացվում են անուններով, սակայն չի շեշտվում, թե դրանք ո՞ր հոսանքին են պատկանել: Կան նաև վիճարկություն վերցնող տեսակետներ:

Չնայած այս թերություններին, պրոֆ. Վ. Ա. Պարսամյանի գիրքը նյութի ընդգրկումով, հարցերի բաղմակողմանի լուսարանությամբ, սահուն լեզվով մի նոր ներդրում է հայ պատմագրության մեջ: Խիստ անհրաժեշտ է այն թարգմանել և հրատարակել նաև ռուսերեն և դրանով իսկ ռուս ընթերցողին հնարավորություն տալ լիարժեք պատկերացում կազմելու հայ ժողովրդի պատմության այդ բարդ ժամանակաշրջանի մասին:

Պրոֆ. Ե. ՍԱՐԳՍՅԱՆ